

0.0.1 sārīputtamoggallānapabbajjāsuttam

12. tena kho pana samayena sañjāyo paribbājako jā-jagahe paṭivasati mahatīyā paribbājakaparisāya sad-dhiṃ aḍḍhateyyehi paribbājakasatehi. tena kho pana samayena sārīputtamoggallānā sañjāye paribbājake brahmacariyaṃ caranti. tehi katikā katā hoti: "yo pa-ṭhamam amataṃ adhigacchati, so itarassa ārocetu"ti. atha kho āyasmā assaji pubbaṇhasamayaṃ nivāsetvā pattacīvaramādāya rājagahaṃ piṇḍāya pāvīsi. pāsādi-kena abhikkantena paṭikkantena ālokitena vilokitena sammiñjitena pasāritena okkhittacakkhu iriyāpatha-sampanno.

13. addasā kho sārīputto paribbājako āyasmantaṃ assajim rājagahe piṇḍāya carantaṃ pāsādikena abhik-kantena paṭikkantena ālokitena vilokitena sammiñji-tena pasāritena okkhittacakkhum iriyāpathasampan-naṃ disvānassa etadahosi: "ye vata loke arahanto vā arahattamaggaṃ vā samāpannā, ayaṃ tesaṃ bhikkhu aññataro. yannūnāhaṃ imaṃ bhikkhum upasaṅkami-tvā puccheyyaṃ, kaṃ'si tvaṃ āvuso, uddissa pabba-jito? ko vā te satthā? kassa vā tvaṃ dhammaṃ ro-cesī?"ti.

14. atha kho sārīputassa paribbājakassa etadahosi: "akālo kho imaṃ bhikkhum pucchitum, antaraghamaṃ pavitṭho piṇḍāya carati. yannūnāhaṃ imaṃ bhikkhum

piṭṭhito piṭṭhito anubandheyyam. atthikehi upaṇṇā-taṃ magga"nti. atha kho āyasmā assaji rājagahe piṇ-ḍāya caritvā piṇḍapātaṃ ādāya paṭikkami. atha kho sārīputato¹ paribbājako yenāyasmā assaji, tenupasaṅ-kami. upasaṅkamitvā ayāsmatā assajinā saddhiṃ sam-modi. sammodanīyaṃ kathaṃ sāraṇīyaṃ vītisāretvā ekamantaṃ aṭṭhāsi. ekamantaṃ tṭhito kho sārīputto paribbājako āyasmantaṃ assajiṃ etadavoca: "vip-pasannāni kho te āvuso, indriyāni. parisuddho chavi-vaṇṇo pariyodāto. kaṃ'si tvaṃ āvuso, uddissa pab-bajito? ko vā te satvā? kassa vā tvaṃ dhammaṃ ro-cesī?"ti.

15. "atthāvuso mahāsamaṇo sakyaputo sakyakulā pab-bajito. tāhaṃ bhagavantaṃ uddissa pabbajito. so ca me bhagavā satthā tassa cāhaṃ bhagavato dhammaṃ rocemī"ti. "kiṃvādī panāyasmato satthā kimakkhāyī?" "ahaṃ kho āvuso, navo acirapabbajito. adhunāgato imaṃ dhammavinayaṃ na tāhaṃ sakkomi vitthārena dhammaṃ desetum. api ca te saṅkhittena atthaṃ vak-khāmī"ti. atha kho sārīputto paribbājako "āyasman-taṃ assajiṃ etadavoca: "hotu āvuso

"appaṃ vā bahuṃ vā bhāsassu,
atthaññeva me brūhi,
attheneva me attho,
kiṃ kāhasi vyañjanaṃ bahu"nti.

¹ sārīputtopi - machasaṃ.

atha kho āyasmā assaji sārīputtassa paribbājakassa
imaṃ dhammapariyāyaṃ abhāsi:

ye dhammā hetuppabhavā,
tesaṃ hetuṃ tathāgato āha,
tesaṃca yo nirodho,
evaṃvādī mahāsamaṇo"ti.

16. atha kho sārīputtassa paribbājakassa imaṃ dham-
mapariyāyaṃ sutvā virajaṃ vītamalaṃ dhammacak-
khuṃ udapādi: "yaṃ kiñci samudayadhammaṃ, sab-
baṃ taṃ nirodhadhamma"nti.

"eseva dhammo yadi tāvadeva,
paccabyathā² padamasokaṃ,
aditṭhaṃ abbhatītaṃ,
bahukehi kappanhutehī"ti.

17. atha kho sārīputto paribbājako yena moggallāno
paribbājako tenupasaṅkamtivā addasā kho moggallāno
paribbājako sārīputtaṃ paribbājakaṃ dūratova āgac-
chantāṃ. disvāna sārīputtaṃ paribbājakaṃ etadavoca:
"vippasannāni kho te āvuso, indriyāni. parisuddho
chavivaṇṇē. pariyodāto. kacci no tvaṃ³ - āvuso, ama-
tamadhigato?"ti. "āmāvuso, amataṃ adhigato"ti. "ya-
thā kathampana tvaṃ āvuso, amataṃ adhigato?"ti. "idhā-
haṃ āvuso, addasaṃ assajiṃ bhikkhuṃ rājagahe piṇ-
ḍāya carantaṃ pāsādikena abhikkantena paṭikkantena

²paccabyattha - machasaṃ.

³kaccinu tvaṃ - pts.

ālokitena vilokitena sammiñjitena pasāritena okkhit-tacakkhum iriyāpathasampannam. disvāna me etadahosi: "ye vata loke arahanto vā arahantamaggaṃ vā samāpannā. ayaṃ tesaṃ bhikkhu aññataro. yannū-nāhaṃ imaṃ bhikkhum upasaṅkamitvā puccheyyaṃ: kaṃ'si tvaṃ āvuso, uddissa pabbajito? ko vā te sat-thā? kassa vā tvaṃ dhammaṃ rocesi?"ti. tassa may-haṃ āvuso etadahosi: "akālo kho imaṃ bhikkhum puc-chituṃ, antaragharaṃ pavitṭho piṇḍāya carati. yan-nūnāhaṃ imaṃ bhikkhum piṭṭhito piṭṭhito anubandhey-yaṃ. atthikehi upaññātaṃ magga"nti.

18. atha kho āvuso assaji bhikkhu rājagahe piṇḍāya caritvā piṇḍapātaṃ ādāya paṭikkami. atha khvāhaṃ āvuso, yena assaji bhikkhu tenupasaṅkami upasaṅka-mitvā assajinā bhikkhunā saddhiṃ sammodiṃ sammo-danīyaṃ kathaṃ sāraṇīyaṃ vītisāretvā ekamantaṃ aṭ-ṭhāsiṃ. ekamantaṃ ṭhito kho ahaṃ āvuso assajiṃ bhikkhum etadavocaṃ: "vipprasannāni kho te āvuso, indriyāni. parisuddho chavivaṇeṇā. pariyodāto. kaṃ'si tvaṃ āvuso, uddissa pabbajito? ko vā te satthā? kassa vā tvaṃ dhammaṃ rocesi?"ti.

19. 'atthāvuso mahāsamaṇo sakyaputto sakyakulā pab-bajito. tāhaṃ bhagavantaṃ uddissa pabbajito. so ca me bhagavā satthā. tassa cāhaṃ bhagavato dham-maṃ rocemi"ti. "kiṃvādī panāyasmato satthā? ki-makkhāyī?"ti. "ahaṃ kho āvuso, navo acirapabbajito.

adhunāgato imaṃ dhammavinayaṃ, na tāhaṃ sakkomi
vitthārena dhammaṃ desetum. api ca te saṅkhittena
atthaṃ vakkhāmi"ti.

"appaṃ vā bahuṃ vā bhāsassu,
atthaññeva me brūhi,
attheneva me attho,
kiṃ kāhasi vyañjanaṃ bahu"nti.

20. atha kho āvuso, assaji bhikkhu⁴ - imaṃ dhamma-
pariyāyaṃ abhāsi:

ye dhammā hetuppabhavā,
tesaṃ hetuṃ tathāgato āha,
tesaṃ yo nirodho,
evaṃvādī mahāsamaṇo"ti.

21. atha akhā moggallānassa paribbājakassa imaṃ
dhammapariyāyaṃ sutvā virajaṃ vītamalaṃ dhamma-
cakkhuṃ udapādi: "yaṃ kiñci samudayadhammaṃ sab-
baṃ taṃ nirodhadhamma"nti.

"eseva dhammo yadi tāvadeva,
paccabyathā⁵ padamasokaṃ,
adiṭṭhaṃ abbhatītaṃ,
bahukehi kappanhutehī"ti.

⁴āyasmā assaji bhikkhu - ma, nu, pa; to, vi.

pts page 042

⁵paccabyattha - machasaṃ.

22. atha kho moggallāno paribbājako sārīputtaṃ paribbājakaṃ etadavoca: "gacchāma mayaṃ āvuso, bhagavato santike. so no bhagavā satthā"ti. imāni kho āvuso aḍḍhateyyāti paribbājakasatāni amhe nissāya amhe sampassantā idha viharanti. te'pi tāva apalokema⁶ - yathā te maññissanti, tathā karissanti"ti.

23. atha kho sārīputtamoggallānā yena te paribbājakā, tenupasaṅkamīṃsu. upasaṅkamitvā te paribbājake etadavocuṃ: "gacchāma mayaṃ āvuso, bhagavato santike. so no bhagavā satthā"ti "mayaṃ āyasmante nissāya āyasmante sasmapassantā idha viharāma. sace āyasmantā mahāsamaṇe brahmacariyaṃ carissanti, sabbeva mayaṃ mahāsamaṇe brahmacariyaṃ carissāmā"ti.

24. atha kho sārīputtamoggallānā yena sañjāyo paribbājakā, tenupasaṅkamīṃsu. upasaṅkamitvā sañjāyaṃ paribbājakaṃ etadavocuṃ: "gacchāma mayaṃ āvuso, bhagavato santike. so no bhagavā satthā"ti "alaṃ āvuso, mā gamittha, sabbeva tayo imaṃ gaṇaṃ pariharissāmā"ti.

25. dutiyampi kho sārīputtamoggallānā sañjāyaṃ paribbājakaṃ, etadavocuṃ: "gacchāma mayaṃ āvuso, bhagavato santike. so no bhagavā satthā"ti "alaṃ āvuso, mā gamittha, sabbeva tayo imaṃ gaṇaṃ pariharissāmā"ti.

⁶apalokāma - ma. nu. pa.
bjt page 088

26. tatiyampi kho sārīputtamoggallānā sañjayamaṃ paribbājakamaṃ, etadavocum: "gacchāma mayaṃ āvuso, bhagavato santike. so no bhagavā satthā"ti "alam āvuso, mā gamittha, sabbeva tayo imaṃ gaṇamaṃ pariharissāmā"ti.

27. atha kho sārīputtamoggallānā tāni adḍhateyyāni paribbājakasatāni ādāya yena veḷuvanaṃ tenupasaṅkamimsu. sañjayassa pana paribbājakassa nattheva uṇhaṃ lohitaṃ mukhato uggañachi.

28. addāsā kho bhagavā sārīputtamoggallāne dūra-tova āgacchante. disvāna bhikkhū āmantesī: "ete bhikkhave dve sahāyā āgacchanti kolito upatisso ca. etaṃ me sāvakayugamaṃ bhavissati aggamaṃ bhaddayuga"nti.

"gambhīre ñāṇavisaye,
anuttare upadhisāṅkhaye,
vimutte appatte veḷuvanaṃ,
atha ne satthā byākāsi.

ete dve sahāyā,
āgacchanti⁷ - kolito upatisso ca,
etaṃ me sāvakayugamaṃ,
bhavissati aggamaṃ bhaddayuga"ntita

29. atha kho sārīputtamoggallānā yena bhagavā tenupasaṅkamimsu. upasaṅkamtivā bhagavato pādesu

sirasā nipatitvā bhagavantam etadavocum- "labheyyāma
mayam bhante, bhagavato santike pabbajjam. labhey-
yāma upasampada"nti. "etha bhikkhavo"ti bhagavā
avoca. "svakkhāto dhammo caratha brahmacariyam
sammā dukkhassa antakiriyyā"ti. sova tesam āya-
smantānam upasampadā ahosi.